



'Budi na ovom svijetu kao stranac, ili putnik u prolazu.'

Od Abdullaха b. Omera, radijallahu 'anhuma, prenosi se da je rekao: "Uzeo me je Allahov Poslanik, sallallahu 'alejhi ve sellem, za rame (plećku), i rekao mi: 'Budi na ovom svijetu kao stranac, ili putnik u prolazu.'" Ibn Omer, radijallahu 'anhu, imao je običaj kazati: "Kada omrkneš ne očekuj da ćeš osvanuti, a kada osvaneš ne očekuj da ćeš omrknuti, u zdravlju se pripremi za bolest, i u životu se pripremi za smrt."

[Vjerodostojan] [Hadis bilježi imam Buhari]

Ibn Omer, radijallahu anhuma, spominje nam da ga je jednom prilikom Allahov Poslanik, sallallahu alejhi ve sellem, dohvatio za rame, te ga posavjetovao: Budi na ovome svijetu poput stranca koji se pojavio na nekom mjestu gdje nema mjesta za stanovanje, niti ikakvog utočišta. On tu nema ni porodice, niti bilo kakvih veza sa drugim ljudima koje će ga odvratiti od njegovog Stvoritelja. Štaviše, budi poput prolaznika, koji je u još težem položaju od stranca. Stranac se može zadržati na jednom mjestu neko vrijeme, dok prolaznik samo prolazi, bez zaustavljanja, s namjerom da stigne u svoju domovinu. Poput putnika prolaznika, vjerniku na ovom svijetu ne treba ništa više osim onoga što mu je nužno da dode do svog krajnjeg odredišta. Ibn Omer, radijallahu anhuma, postupao je prema ovom savjetu i govorio: "Kada osvaneš, ne očekuj večer, a kada omrkneš, ne očekuj jutro. Smatraj sebe među stanovnicima grobova, a svaki život popraćen je i zdravljem i bolešću." Zato iskoristi svoje dane zdravlja za pokornost, prije nego te zadesi bolest; iskoristi vrijeme u činjenju dobra dok si zdrav, prije nego ti bolest onemogući njihovo činjenje. Iskoristi svoj život na ovome svijetu da prikupiš ono što će ti koristiti nakon smrti.

<https://www.sunnah.global/hadeeth/bs/show/4704>